



ISPRAĆAJ Pripadnici sigurnosnih agencija otputovali u Južni Sudan

Bh. policajke i policajaci u misiji mira i sigurnosti

BiH već odavno nije samo korisnik i primatelj međunarodne civilno-vojne pomoći nego i aktivni subjekt u kreiranju međunarodne sigurnosti, rekao ministar sigurnosti



Mektić ispratio mirovnjake: Jednogodišnji mandat

(Foto: F. Fočo)

Desetero bh. policijskih službenika, četiri policajke i šestorica policajaca, otputovalo je jučer iz Sarajeva u mirovnu misiju UNMISS u Južni Sudan na jednogodišnji mandat. Trenutno u Južnom Sudanu BiH ima 12 policijskih službenika i dvije službenice.

Ljudski odnos

Povodom toga na Sarajevskom aerodromu upriličena je pres-konferencija, na kojoj je Dragan Mektić (SDS), ministar sigurnosti BiH, održao govor i poželio puno uspjeha policijskim službenicima.

- Uvjeren sam da će oni, kao njihove kolegice i kolege ranije, pokazati visok nivo

znanja, stručnosti, profesionalnog i ljudskog odnosa tokom misije te služiti na ponos agencijama iz kojih dolaze i Bosni i Hercegovini. BiH već odavno nije samo korisnik i

251

policijski službenik iz BiH učestvovao u operacijama podrške miru od 2000. do danas, i to u Liberiji, Južnom Sudanu, Kipru, Sudanu, Istočnom Timoru i Haitiju

primatelj međunarodne civilno-vojne pomoći nego i aktivni subjekt u kreiranju međunarodne sigurnosti - rekao je ministar Mektić.

Jedan od bh. mirovnjaka

10 imena

U Južni Sudan otputovali su: Davor Jovović (SIPA), Armin Arslan (SIPA), Irena Marelja (Granična policija BiH), Mersiha Husaković-Čehajić (MUP RS), Sandra Bašanović (MUP USK), Enver Alibegović

(MUP USK), Lejla Hajro (MUP KS), Almir Bolić (Direkcija za koordinaciju policijskih tijela BiH), Sanel Mrđanović (Direkcija za koordinaciju policijskih tijela BiH) te Erik Vrbanjac (MUP SBK).

Sanel Mrđanović iz Zavidovića kazao je jučer za naš list da je ovo za njega izuzetno iskustvo, ali i velika odgovornost.

Zaštita civila

- Nastojat ćemo što bolje opravdati ukazano povjerenje i pomoći u zaštiti civila. Mi možemo iskoristiti naše iskustvo, prije 20 godina smo imali mirovnjake ovdje, u vri-

jeme agresije na BiH, tako da smo apsolutno spremni za sve izazove - rekao je Mrđanović.

Mandat UN-ove policije ogleda se u pružanju podrške provedbi mirovnih sporazuma, podršci vladama u provođenju sigurnosnih reformi, zaštiti civila, pružanju obuke za lokalne policijske službenike, sprečavanju ponovnih sukoba i održavanju javnog reda i mira. **E. T.**